

## Balua na bini gba Polo pi Timoté Eli na kalanu

Timoté ne makombi bini inde adu nani makil-  
isito bhú Adji Minele. 'Hi ani nani ne maYuda,  
'dyi ani atsia adu nani ne Giliki. Ani akolo nani  
kpála nateteke Polo bhú dholo gba e nakpokpo  
Bádha Ngali gba Yesu Kilisito . Balua na bini  
gba Polo pi Timoté-o, ngakpokpo 'ngú pindji  
ongbengbe 'ngú bata.

Balua ango-o ngakpo ngaiza 'ngú pindji nalila  
lio ka omusuno na eu inde bhú Piga gba Ebhe-o.  
Nasuno ango-o a ko nakpøtsø mabhundja pindji  
omaYuda ne okpála inde ne omaYuda ade inde  
adu nani pindji napa me bádha 'ngú pila doto  
ade. A la di ngapa me, u ti da bha nasia mukobho  
ka imbila 'ngú inde awo lie mawo, a la di ne  
nakpe nazu oehe koko, di ne naha lio maka ølø  
ne bhoko de.

**Ongbengbe ongú inde bhú bhuku inde-e ngae  
inde:**

Eli na kalanu 1:1-2

Líli pindji Piga gba Ebhe ne okpála inde  
ngadjedjele-o 1:3 - 3:16

Líli pi Timoté pindji kulu gba e-o 4:1 - 6:21

*Polo yi Timoté mayi*

1-2 Timoté, kukulu ndili gba ma bhú 'bu  
nabhuka-a , a ayo me bádha bhú 'bu ne ndjinga

di ne guo 'ngú gba 'Dyi ní Ebhe ne Yesu Kilisito , Ngámá gba ní-e ðu bhú dabili bini ne m̄. Ma aye balua inde-e pi m̄ ngama Polo. Ma ne bhulú titima gba Yesu Kilisito maka li Ebhe, Mukobho gba ní, ngauo ne Yesu Kilisito inde ní nga'o 'to ní 'to e aha líli m̄ma lie ngú nakpokpo Bádha Ngali ko.

*Polo apa me a ayo nayoko om̄suno na eu-o mayoko*

<sup>3</sup> Maka ma aha nako líli pi m̄ lie li nedhinga ma adu anu lie bhú ndu doto na Makedonia-a, ðu bha bhú gudhu na Efeso oo, amba m̄ pa pi om̄suno na eu inde oo me, u 'o nasuno bhomu-o ma'o. <sup>4</sup> Pa pi uo me, u 'o nakpokpo ongú na padhá padhá inde li okpála ngagbe e bhú 'ndji o ma'o. U 'o di nakpokpo ndjandja okpokpodum̄ ma'o. Padhá de, anga ongú bhomu-o ngagbe okpekebhe na padhá padhá inde i dyudyo kulu inde li Ebhe ngamene e bhú mukobho gba okpála de. Kulu ang-o ngadyudyo lie ne kalanu ka nabhuka.

<sup>5</sup> Olíli ma aha e pi m̄ bhomu-o, a ngubula me okpála ðu ne mukunda sunda o. Mukunda ang-o ngayie li bádha bua, li bua nakpokpo kú 'ngú ndjindji, la di ne bhú nabhuka na kukulu. <sup>6</sup> Okpála koko ayie li ngbili kpadji bhomu-o ayie, u atsia azi 'ndji o bhú namene okpekebhe na padhá padhá. <sup>7</sup> U ngapa me o ne om̄suno na líli gba Ebhe, engú bini, ngauo makpe-e, u k̄ mboli engú inde u ngasuno e pi okpála koko ne angu o hana-a belegu de bini.

*Ebhe aha líli gba e pí ní ngubula ní?*

<sup>8</sup> Ní mbíla hana me líli gba Ebhe-e ndjindji, i dũ me u nde ngakpakpata maka a ayo lie ko. <sup>9</sup> Ní mbíla la di hana me, Ebhe 'o líli pí okpála bhende ngadhuku ngbingbili-e de. Engú bini, ani a'o pí obhende ngau líli gba ani-e padhá di ne pí okpála na kpekepeke 'ndji. Ani a'o pí okpála bhende ngandjo 'li ani, di ne pí obhende ngamene siti 'ngú-o. Ani a'o pí okpála inde i manga ani de, i manga la di ohe na bububu gba ani-e de-o. Ani a'o pí okpála bhende ngabhili odyi o, i dũ di-e ohi o-o. Ani a'o pí okpála bhende ngabhili obi o bhú gandji.

<sup>10</sup> Ani a'o pí obhosi bhende ngakunda olisi di ne pí olisi bhende ngakunda obhosi ngangá-o. Ani a'o pí obhosi bhende ngakunda lio ne obi o obhosi, i dũ di-e olisi bhende ngakunda lio ne obi o olisi. Ani a'o pí okpála bhende ngatsindji obalise. Ani a'o pí obhulu eu di ne pí okpála bhende ngatu silika pí eu. Ani a'o pí ndũ okpála hana inde ngamene engú kpi ne bhende na kukulu ní ngasuno e ko. <sup>11</sup> Nasuno ango-o bhú Bádha Ngali inde li Ebhe aha e muma-o. Bádha Ngali ango-o ngasuno sangu gba Ebhe inde ngaha bádha 'ngú pí okpála-o.

*Polo agie heni pí Ebhe*

<sup>12</sup> Ma ngagie heni pí Yesu Kilisito, Ngámá gba ní inde aha angu muma ngú namene kulu gba e-o. Ma ngagie heni pí ani, anga ani au me ma ti da namemene. Abhomu-o, ani atsia abhu ma nganga. <sup>13</sup> La nani kalanu-o, ma adu apa osisiti 'ngú li ani, ma adu ato mbolo li okpála koko ka

u abhuka ani lie-o, ma adu la di asosobho ani. Abana ma adu amene lie mo-o, ani adje ndjinga ma. Padhá de, anga ma bhuka nga nani ani de. Ma mbila la di nani de me Yesu ne Masiya-a de.

<sup>14</sup> Engú bini, Ngámá gba ní-e atsia asuno bádha bhú 'bu gba e muma ane mane. Ani aha nabhuka muma, di ne mukunda inde bhú nakpøtø liní ne Yesu Kilisito-o. <sup>15</sup> Engú inde ma adji apa e inde-e, a ko kukulu 'ngú inde a ayo me ndu okpála hana bhuka e ne bua o bini. Engú ang-o me, Yesu Kilisito ago nani píla doto ngú nakobho okpála na sisiti. Yi mbila la me ngámá ngámá bhú ká uo ne ma. <sup>16</sup> Abana ma adu lie ne ngámá ngámá bhú ká uo ngama-a, Ebhe adje ndjinga ma. Ebhe amene muma mo-o ngubula me ndu okpála hana inde abhúka Yesu Kilisito-o, u u lele 'ndjá bua gba ni-o, amba u bhuka-a, u de sia mukobho na dudu. <sup>17</sup> A ayo me ndu okpála hana dhøø Ebhe, amba u toko ani dudu ne dudu. A adu moko. A ko 'Ngbé Ngámá na dudu, i kpikpi de, li kpála uu di-e de. A ko bha koli Ebhe bha ngae kpi e kpi!

<sup>18</sup> Timoté, ndika ma, ma ngaha olíli bhomu-o pi mu nakpata oeli inde li opolofeta akpokpo nani e li 'ngú gba mu-o. A ayo me oeli ang-o teteke mu ngubula nakpokpo Bádha Ngali-e ne angu, abana li okpála du nayaya mu. <sup>19</sup> A ayo me mu gu egú ang-o ne nabhuka bhú dabili bini ne bua nakpokpo kú 'ngú ndjindji. Okpála koko a'o ká bua nakpokpo kú 'ngú gba o a'o. Kaka-a, u ayie li kpadji na nabhuka ayie. <sup>20</sup> Imene ne uo ne Alekidjandele bhú ká ongua okpála bhomu. Ma

atsia apụ uo pì Satana ,\* amba u mbìla lio ne napa me a ayo nasobho Ebhe de.

## 2

### *A ayo nayo Ebhe ngụbula ndụ okpála hana*

<sup>1</sup> Kala ndụ 'ngú hana-a, ma ngayo ka yi me yi 'o gumụ gba ndụ okpála hana kala Ebhe, yi yo Ebhe pì uo, yi kikiliki liyi pì ani ngụbula uo, amba yi gie la di heni pì ani ngụbula ndụ uo hana. <sup>2</sup> Yi yo Ebhe pì ongbengbe ongámási, di ne pì ndụ ongámási hana ngụbula me kpéke 'ngú adú-ụ de, amba ní dụ bhú guo 'ngú , ní dụ namanga Ebhe ne nagbite liní li ani na paká paká. <sup>3</sup> A bhomụ-o engú inde ndjindji, inde la di nganga li Ebhe, Mụkobho gba ní-o.

<sup>4</sup> Anì akụnda me ndụ okpála hana kobho, amba u mbìla la di kụkụlụ 'ngú. <sup>5</sup> Padhá de, anga koli Ebhe bha bini, a la bhadi ne koli kpála bini inde lụdụ sụnda Ebhe ne okpála-kuti. Kpála ang-o, a ko Yesu Kilisito , <sup>6</sup> inde apụ mụkobho gba e ngụbula nagbegbe ndụ okpála hana bhú bali-o. Anì amene mo-o bhú nedhinga nani li Ebhe a'o e ngú nasuno me Ebhe akụnda me ndụ okpála hana kobho. <sup>7</sup> Ka 'ngú ang-o, Ebhe abhụ ma bhụlụ titima gba Yesu di ne bhụlụ nakpokpo Bádha Ngali . Anì abhụ ma me ma suno nabhuka di ne kụkụlụ 'ngú pì okpála inde ne omaYuda ade-o, amba u bhuka. Ma ngapa kụkụlụ 'ngú, ma pa eu de.

---

\* **1:20** 1:20 Napụ kpála pì Satana: Tì da napa li bìli inde-e me nagbe kpála bhú Piga gba Ebhe.

<sup>8</sup> Kaka-a, ma akunda me obhosi yo Ebhe ne ndu bili hana. U yo Ebhe me u nde a'e'e 'kpa o ne abhúlá ne naha lio libhomu pi Ebhe. U adú ne engú sunda o de, u adú la di ne kpekebhe de.

<sup>9</sup> Pi olisi-e, ma akunda me u du adyi bongo maka a ayo lie. U adú adyi bongo bhe a'é bua kpála bhú da e ma'e-e de. U du adyi bongo li lelele. U adú apulu sundjo o nane dada mane de. U adú adyi omayaka ne omagege na olo di ne ohe na zizi de. U adú di nadyi obongo na mase naali de. <sup>10</sup> Engú bini, u suno mangbo bádha gba o bhú obabadha kulu inde u ngamene e-o. A bhomu-o engú inde ati ne olisi inde ngasuno me o ngamanga Ebhe-o.

<sup>11</sup> Nedhinga li bhoko ngaha olíli lie bhú Piga gba Ebhe-e, a ayo me olo ndjili má bulu, ani ko lie ne kuto. <sup>12</sup> Ma ha kpadji pi olo ngú nasuno di ne nau pí 'ndji bhoko de. Engú bini, a ayo me ani ndjili má bulu! <sup>13</sup> Padhá de, anga Ebhe abho ngaiza nani kalanu-o Adamu , pipita-a ani atsia abho Eva. <sup>14</sup> La di-e, Satana pite nani Adamu de, engú bini, ani apite mangbo nani olo-o. Abhomu-o, olo-o atsia andjo 'li Ebhe. <sup>15</sup> Abana i nde lie mo-o, Ebhe akóbho olo ka ezu gba e-o. Ebhe akóbho ani i du me ani nde alu kpekepe bhú 'bu nabhuka, ne mukunda, ne na'o lie bubu kala Ebhe, di ne na'o lie bhú da e.

### 3

#### *Líli pi okpála natsia 'kpí li Piga gba Ebhe*

<sup>1</sup> Engú ma adjí apa e inde-e, a ko kukulu 'ngú: i du me kpála nde akunda natsia 'kpí li Piga

gba Ebhe-e, ani akunda namene bhomu-o bádha kulu. <sup>2</sup> Kaka-a, a ayo de me u u kpála inde ngatsia 'kpí li Piga gba Ebhe-e ne siti 'ngú-o de. A ayo me ani du ne koli elə bini. Ani du naholo bua e ka 'ngú maholo. A ayo me ani du namene 'ngú li lelele, ani du la di namene babadha 'ngú. Ani du nasia ogomago ndjindji, ani mbila la di nasuno 'ngú pi okpála. <sup>3</sup> Ani ahá lie pi pandi de, adú la di kpála nagu gbele de. Engú bini, a ayo me adu kpála na bhuku 'ngú. Adú kpála nagbe bhayiki ne okpála koko de, adú la di kpála na gumu tia naali de.

<sup>4</sup> A ayo me adu kpála inde ngatsia 'kpí li piga gba e makpe-e ndjindji, inde li ongisi gba e ngamanga e ne ndu kpadji hana. <sup>5</sup> Padhá de, anga i du me kpála nde mbila natsia 'kpí li piga gba e makpe ndjindji de-e, ani ti da nalila Piga gba Ebhe-e lele pi? <sup>6</sup> A ayo de me kpála natsia 'kpí li Piga gba Ebhe-e du kpála inde adji bua e na mbia de. Padhá de, anga i du me a nde kpála inde adji bua e na mbia-a, 'ngbé 'ndji ti da nali bhú ani, ani tsia lí bhú mangimbo maka Djabulu ali nani lie-o. <sup>7</sup> La matá di-e, a ayo me adu kpála inde li okpála bhe i bhuka de-e ngakpo 'ngú gba e ndjindji, ka napa me okpála aú ani bhú djila o padhá de-o, la di ngubula me ani atí bhú oekú gba Djabulu-o de.

*Líli pi okpála nateteke kulu bhú Piga gba Ebhe*

<sup>8</sup> A bhadi moko, a ayo me okpála nateteke kulu bhú Piga gba Ebhe-e du okpála inde ngamene 'ngú inde li okpála ti da namanga o ka e. U adú la di ne eli bhisi bhisi de, u ahá lio pi pandi

de, u adú di nagili tia li siti kpadji de. <sup>9</sup> A ayo me u gbite lio ne bua bini li kukulú 'ngú inde li Ebhe ambamba ta e-o. U gbite lio tété ne bua nakpokpo kú 'ngú inde ndjindji.

<sup>10</sup> Kala me u bhú uo me u kolo okpála nateteke kulu bhú Piga gba Ebhe-e, a ayo ngaiza me okpála tsia uo ndjindji, pipita-a, i dū me u nde u uo ne engú na sisiti de-e, u de bhú uo ngú namene kulu ango-o. <sup>11</sup> A ayo me, olisi gba uo-o dū bhadi namene engú inde li okpála ti da namanga uo ka e. U adú napa sisiti 'ngú li okpála koko de. U dū naholo bua o ka 'ngú maholo. U dū okpála inde li okpála koko ngaziba o bhú ndū 'ngú hana. <sup>12</sup> A ayo me, kpála nateteke kulu bhú Piga gba Ebhe-e dū bha ne koli ølø bini. Adū kpála inde ngatsia 'kpí li ongisi gba e di ne piga gba e makpe-e ndjindji. <sup>13</sup> Padhá de, anga okpála inde ngamene kulu nateteke kulu bhú Piga gba Ebhe-e ndjindji-e, ndū okpála hana ngamanga uo mamanga, u gáma la di engú pindji nabhuka gba o inde bhú Yesu Kilisito-o ne tsulú belegú de bini.

### *Engú na ngbéngbé inde li Ebhe asuno e*

<sup>14</sup> Ma ngaye balua inde-e pi mū ne nabhundja me ma akólo li mū oo má gala! <sup>15</sup> La-a, i dū me ma nde kolo li mū oo má gala de-e, balua inde-e de suno pi mū lele maka a ayo lie me okpála dhukú bhú piga gba Ebhe-o. Piga ango-o, a ko Piga gba Ebhe inde úú-o. Dadjua ango-o ngabi kukulú eli-e maka nepanda abibi eti lie-o. <sup>16</sup> A na paká me, engú inde li Ebhe ambamba ta e



pi ní pindji nabhuka gba ní-e ngbéngbé. Engú angó-o me:

Kilisito ago píla doto bhú kute maka kpála-kuti,  
Bu Bhobua asuno me, ani ngbingbili,  
oandjelu atsia au ani.

U akpokpo engú gba ani-e pi okpála inde  
ne omaYuda ade,  
okpála na píla doto libhomu abhuka ani,  
Ebhe atsia a'e ani abhúlá bhú sangu gba e-o.

## 4

### *Om̄suno na eu*

<sup>1</sup> Bu Bhobua apa mbámbá me bhú onedhinga na soso-o, okpála koko a'ó ká nabhuka gba o, u tsia kpáta osisiti bua na eu, u kpáta di ongú inde li osisiti bua ngato e bhú okpála me u suno e-o. <sup>2</sup> Obhulú kali inde ngapa eu-o apíte uo me u yie li ngbili kpadji-e mayie. Bua nakpokpo kú 'ngú gba obhulú kali angó-o asiti m̄gito me u atsulu ne kalase inde u ato e bhú djua. <sup>3</sup> Okpála angó-o ngasuno me a ayo de me obhosi ne olisi d̄ naha lio-o de. U di ngapa me a ayo de me okpála d̄ naz̄u oz̄u koko de. Ebhe abho la nani oz̄u bhomu-o ngae. Omabhuka inde ambila kukulú 'ngú-o ti da naz̄uz̄u ne nagie heni pi ani. <sup>4</sup> Padhá de, anga nd̄u 'he hana inde li Ebhe abho e ndjindji. A ayo de me ní tse ehe bini bhú káká-a de. Engú bini, a ayo nahaha ne nagie heni pi Ebhe, <sup>5</sup> anga eli gba ani bhú dabili bini ne mayo ngamene me nd̄u 'he hana kolo bubu kala ani.

*Bádha kpála na kulu gba Yesu Kilisito*

<sup>6</sup> Suno ongú bhomu-o pi ondaise ní omabhuka. Li mu mene mo-o, mu dú bádha kpála na kulu gba Yesu Kilisito . Mu tsia suno di me mu ngaku bua mu ne oeli na nabhuka, di ne nasuno na kukulu mo okpata e ko. <sup>7</sup> Engú bini, gbe limu li otodu na padhá padhá inde i ti ne nabhuka de e magbe. Mene mangbo ne kpéke me mu gbite limu li namene engú inde anga li Ebhe. <sup>8</sup> Namene ngeme ngú nakpekpeke kute-e, a ndjindji ngú ongú masudha. Engú bini, a ndjindji nane mane pi kpála ne nadhuku maka li Ebhe akunda lie-o. Padhá de, anga namene mo-o, kpála angoo ambila me ni asia inde-e mukobho na mbia, mukobho angoo adú duduuma ne duduuma. <sup>9</sup> Eli inde ma apa e bhomu-o, a ko kukulu 'ngú inde ayo me ndu okpála hana ziba e ne bua bini. <sup>10</sup> Kaka-a, i du me ní nde ngamene kulu kpekpeke di ne angu ní hana-a, a ko anga ní nga'o 'to ní li Ebhe inde uu-o. A ko Mukobho gba ndu okpála hana, a ane la mane pi okpála bhende abhuka ani-o.

<sup>11</sup> A bhomu-o ongú inde a ayo me mu gbele 'dje okpála lie, amba mu suno di-e pi uo-o. <sup>12</sup> Mo oká kpadji pi kpála bini de me ani u mu padhá ka mu nde lie ne makombi-e de. Engú bini, du mangbo ne kpála inde ngasuno kpadji pi omabhuka. Du nasuno kpadji pi uo bhú eli inde mu ngapa e, ne bhú lele namene 'ngú gba mu, ne bhú mukunda gba mu, ne bhú nabhuka, di ne bhú nadu ka mu bubu kala Ebhe.

<sup>13</sup> Nedhinga mu ngadjeke nago ka ma lie-e, ha limu ngú natanga 'li Ebhe-e kala ndu okpála

hana. To masi bhú uo, amba mụ suno ta eli gba Ebhe-e pì uo. <sup>14</sup> Mo ou kulu li Ebhe aha e pì mụ-o bhú bádha bhú 'bu gba e-e padhá de, kulu inde mo osia e nedhinga li opolofeta akpokpo 'ngú gba mụ-o lie, la di ne li nedhinga li obhelesi okpála a'o 'kpa o pì 'ndji mụ lie-o. <sup>15</sup> A bhomụ-o kulu inde a ayo me mụ 'o bua mụ li e ko. Ha limụ ngú namemene ne bua mụ hana, amba ndụ okpála hana u me mụ nganụ li kpadji gba Ebhe-e ne kalanụ. <sup>16</sup> Lila limụ ngamụ makpe ndjindji bhú ongú inde mụ ngamene e di ne bhende mụ ngasuno e pì okpála koko-o. Nụ ne di ne kalanụ, anga i dụ me mụ nde amene mo-o, mụ kóbho limụ ngamụ makpe, mụ tsia kóbho di okpála bhende ngadje mụ-o.

## 5

### *Líli pì ndụ omabhuka hana*

<sup>1</sup> I dụ me mụ nde ngali bhele kpála li 'ngú-o, mo ombémbe bhú 'ndji ani mambembe de, engú bini, gama 'ngú pì ani bhubhukụ mụgito me a ko 'dyi mụ. Gama 'ngú pì omakombise maka ondaise mụ na obhosibhosi. <sup>2</sup> Pì olisi na obhelesibhelesi-e, gama 'ngú pì uo mụgito me a ko ohi mụ. Pì otsalisi-e, gama 'ngú pì uo maka ondaise mụ na olisilisi me bua mụ nde tuko li uo de.

### *Engú pìndji oøkosi na olisilisi*

<sup>3</sup> Teteke oøkosi na olisilisi bhende li kpála nde ngú nateteke o ade-e mateteke. <sup>4</sup> Engú bini, i dụ me a nde ka økø na øøø bini ne ongisi, i dụ di-e odi ye e, ngú nasuno me ongisi ango-o ngamene

engú inde li Ebhe akunda e, a ayo me u teteke ngaiza opiga gba o makpe. U mene mo-o, u gíe bádha 'ngú pi okpála inde azu o, di ne pi onguo ogbi o bhú da bhende u amene nani e pi uo-o. Abhomu-o engú inde li Ebhe aziba e ko. <sup>5</sup> Òkè inde ngadu bha ndju kpi e kpi, li kpála bini nde ka e ngú nateteke e ade-e, ani nga'o 'to e 'to Ebhe. Ani ngazi kekele li nayo Ebhe sukpe ne ngbikpi ngubula me Ebhe teteke ni. <sup>6</sup> La-a, pi òkè bhende akunda bha naae odjali na doto-o, ani akpi li bua e akpi, abana ani nde lie uu-o. <sup>7</sup> A bhomu-o engú inde a ayo me mu pa e pi uo ngubula me kpála bini apá 'ngú li uo sisiti de-o. <sup>8</sup> I du me kpála nde teteke omaha e de-e, a ane la mane piga gba e makpe-e, ani abala 'kpa li nabhuka gba e abala, ani ane belegu mapagano ne siti.

<sup>9</sup> La di-e, ngú napa me u ye 'li òkè bini bhú ká obhende li Piga gba Ebhe-e ngabi o-o, a ayo me ani du mbo ne kalanga ndjikpa madhia. Adu la bhadi elè inde i kunda bhoko sa 'ku 'ko e de.\* <sup>10</sup> A ayo la di me okpála mbila ani ka obabadha kulu inde ani amene e-o. A akunda napa me, ani aku ongisi gba e ndjindji, ani asia ogomago, ani avulu 'dhu omabhuka, † ani ateteke okpála inde adu bhú mbolo. Adu la di kpála inde amene ndu babadha kulu hana.

\* **5:9** 5:9 Òlè inde i kunda bhoko sa 'ku 'ko e de: A akunda napa me nedhinga li 'ko ani adu lie tété-e, ani kunda bhoko koko de.

† **5:10** 5:10 Ani avulu 'dhu omabhuka: Nani agba omaYuda-a, kulu nagbe malèkè bhú 'dhu ogomago ne navulu 'dhu uo-o, a ko nani kulu ka obalise di ne okpála na padhá. A di ngú nasuno mukunda ne nakè lio ne kuto. Tsia bhú Dja. 13:1-17.

<sup>11</sup> Engú bini, pi oøkəsi bhende na otsalisi tsalisi-e, mo oyé 'lì uo bhú ká obhende li Piga gba Ebhe-e ngabì o-o de. Padhá de, anga nedhinga li gumu naha bhoko koko alí bhú uo lie, i méne me u dji 'ngbu o li Kilisito . <sup>12</sup> Li u mene mo-o, u lí bhú mangimbo. Padhá de, anga u apa nani me o oha lio pi Kilisito, la mbia bhomu-o, u mene maka u apa lie de. <sup>13</sup> La di-e, mu ye 'lì uo-o, u kólo obhulu ipio, u hóló nadjakadha gba okpála ngangá. U kólo bha bini obhulu ipio de, engú bini, u hóló nagama 'ngú naali, u hóló nali bhú ongú bhe i tsia o de, u tsia dú di nagama 'ngú gbelonge. <sup>14</sup> Kaka-a, ma akunda me, oøkəsi bhende na otsalisi tsalisi-e ha matá obhosi, u zu ongisi, u tsia 'kpí li opiga gba o-o, amba u aká kpadji pi obhulu yala gba ní-e napa 'ngú li ní sisiti de. <sup>15</sup> Ma pa mo-o padhá de, a ko anga oøkəsi koko ayie li ngbili kpadji-e ayie, u atsia agbida nganda Satana .

<sup>16</sup> I du me mabhuka bini na øelø nde ne oøkəsi na olisilisi bhú piga gba e-e, a ayo me ani teteke uo. Ani a'ó de me Piga gba Ebhe-e bi uo ngae de, amba Piga gba Ebhe-e bi obhende li okpála nde ka o ngubula nateteke o ade ko.

*Engú pindji obhelesi okpála na Piga gba Ebhe*

<sup>17</sup> Obhelesi okpála inde ngatsia 'kpí li Piga gba Ebhe ndjindji-e, a ayo me u manga uo, amba u tsia ha di makalá na kulu gba uo-o pi uo li lelele. A ane la mane pi obhende ngatse kute o ngú nakpokpo di ne nasuno 'li Ebhe-o. <sup>18</sup> Padhá de, anga Bhuku gba Ebhe-e ngapa me: «Nedhinga li bagala ngatu ngano lie, mo ogbíte 'bhø ani de.»

A apa matá di me: «Kpála na kulu atí ne makalá na kulu gba e-o.†»

19 I dɛ me, kpála bini nde apa 'ngú li bhele kpála na Piga gba Ebhe-e sisiti-e, mo obhúka de. Ziba bha bini me okpála bhisi nde alɛ pí engú ango-o, i dɛ okpála bhisi de-e, a de dɛ okpála bata. 20 Mbe bhú 'ndji obhelesi okpála inde ngamene siti 'ngú-o bhú djila ndɛ okpála hana, amba okoko dje tsɛɛ.

21 Ma ngaha líli pí mɛ kala Ebhe, ne kala Yesu Kilisito, di ne kala oandjelu gba Ebhe inde aní abhɛ o me, mene olíli inde-e hana bhú ngbili 'ngú, mɛ nde kunda kpála bini ane okoko mane de. 22 Mo o'ó 'kpa mɛ pí 'ndji kpála má gala de ngú naha kulu pí aní bhú Piga gba Ebhe-o. Mɛ 'o 'kpa mɛ pí 'ndji aní má gala-a, li okpála u sidi me aní bhú siti 'ngú-o, akunda napa bhomɛ-o me yi akpɛtɛ líyi ne aní bhú siti 'ngú gba e-o. Lila límɛ me ní dɛ bubu kala Ebhe.

23 Mo odú bha bini nandji engu de, engú bini, ndji mbo di vino bedi uu ka kuo na bhú 'bu inde ngaha bhukɛ kɛte pí mɛ píko-o.

24 Okpála koko ngamene siti 'ngú bhú mbasɛ, li okpála mbíla kala nakpata 'ngú tété. Pí okoko-o, a ayo ngaiza nakpata 'ngú tété kalanɛ ngú nambimbíla. 25 A bhadi moko pí obabadha kulu, a ngau lie li zí 'kpí, belegɛ obhende u u e gbɛɛ de-e, a tí da nadɛ ndɛ 'kpí hana de me a nde awo lie mawo-o de.

---

† 5:18 5:18 Tsia bhú Det. 25:4; ne bhú 1 Kol. 9:9; ne bhú Mat. 10:10; di ne bhú Luk. 10:7.

## 6

### *Líli pi obalise*

<sup>1</sup> A ayo me omabhuka inde bhú bali-e manga omakulasi o ne ndu kpadji hana. U manga uo, amba kpála bini asóbho 'li Ebhe de, amba u asóbho la di nasuno gba ní-e de. <sup>2</sup> I du me, omakulasi uo nde ne omabhuka-a, u apá de me o mánga uo de-e de, anga a ko ondaise o-o de. Engú bini, a ayo me, u mene kulu pi omakulasi o ndjindji naali, anga okpála inde u ngamene kulu pi o bhomu-o, a ko omabhuka, a ko la di ondaise uo na mukunda. A bhomu-o líli inde ayo me mu suno e pi okpála ne nato masi bhú uo me u mene e ko.

### *Engú pindji gumu tia*

<sup>3</sup> I du me kpála bini nde ngasuno engú koko kpi, ani dhika li okukulu oeli gba Ngámá gba ní Yesu Kilisito di ne ongu inde ní ngasuno e pindji namanga Ebhe de-e, <sup>4</sup> a ko kpála na 'ngbé 'ndji, ani mbila la di 'ngú belegu de bini. Ani ambila lie bha bini ne namene kpekebhe di ne natsi pindji oeli. Ongú bhomu-o ngagbe gumu 'he, ne natsi, ne nasobho lio, ne nabhundja siti 'ngú pindji obi o, <sup>5</sup> di ne bhayiki inde i ndjindjia de-e sunda okpála inde li 'ndji o asiti-o. Okpála ango-o mbila la di matá kukulu 'ngú belegu de bini. U ngabhundja me nabhuka Ebhe-e, a ko kpadji nasia tia.

<sup>6</sup> A moko, nabhuka Ebhe-e, a ko tia na ngbéngbé, i du me kpála nde ngakpi djali li ehe inde ka e-o. <sup>7</sup> Padhá de, anga ní go nani píla doto

inde-e ne ehe bini de, ní gíe la di liní ne 'he bini na doto inde-e de. <sup>8</sup> Kaka-a, i dũ me a nde ka ní ne ehe nazũ mazũ di ne bongo ngú nadyidiye, amba bhobhomũ-o ale pi ní ale. <sup>9</sup> Engú bini, okpála bhende ngakũnda nakpo-o, u ngali bhú nale ne bhú ogumũ 'he bhelé na padhá padhá di na sisiti inde li okpála ngasiti ka e, inde li okpála nde di ngamu ka e-o. <sup>10</sup> Padhá de, anga gumũ tia ngazu ndũ ongú na sisiti hana. Okpála koko ka nakũnda tia naali-e, u ayie li kpadji na nabhuka ayie, u atsia ali bhú likabhu naali ka o makpe.

*Bádha gbele ní nde bhú e kabula nabhuka gba ní-o*

<sup>11</sup> Engú bini, ngamũ kpála gba Ebhe-e, kpe ndũ sisiti 'ngú bhomũ-o hana makpe. Gbite limũ li ngbili 'ngú, ha limũ pi Ebhe, dũ ne nabhuka, ne mukũnda, ne 'ndjá bua, di ne bhũku 'ngú. <sup>12</sup> Gũ bádha gbele inde ní nde bhú e ka nabhuka gba ní-o. Lila mukobho na dũdũma ndjindji, anga Ebhe a'i nani mũ ngú mukobho ango-o, mo otsia apa ne djali kala okpála bhelé me ni abhuka. <sup>13</sup> Ma ngaha líli pi mũ kala Ebhe inde ngaha mukobho pi ndũ 'he hana, di ne kala Yesu Kilisito inde akpokpo nani kũkũlũ 'ngú pindji nabhuka kala Pose Pilatø ndjindji-e me, <sup>14</sup> lila líli inde ma aha e pi mũ-o ndjindji, mene ndũndũ hana maka ma apa pi mũ lie. Mene me kpála bini agú líli ango-o de, akólo li ekpí li Ngámá gba ní Yesu Kilisito agie lie lie-o.

<sup>15</sup> Ekpí ango-o, Ebhe a'o ngae. A ko Ebhe inde ngaha bádha 'ngú pi okpála, a ko koli Ngámá bini inde ngau pi 'ndji ndũ 'he hana. A ko 'ngbé



Ngámá pí 'ndji ongbengbe ongámási, a ko la di Ngámá gba ongámási. <sup>16</sup> Ani kpikpi de, ani ngadu bhú zi 'kpí inde li kpála bini ti da nakolo li e de. Kpála bini u nga ani de, kpála bini tí la di da nau ani de. A ayo me okpála dhøge ani! A ayo me ani u duduama ne duduama! A adu moko.

*Líli pí obhulu tia*

<sup>17</sup> Pa pí obhulu tia na doto inde-e me, 'ndji uo abé kaka de, u a'ó la di 'to o 'to tia na doto inde-e de, anga tia ango-o ngakodho 'kpí makodho. Engú bini, u 'o mangbo 'to o 'to Ebhe inde ngaha ndu 'he hana pí ní bhibhiti, ngubula me ní kpi djali ne di ko. <sup>18</sup> Pa pí uo me, u mene bádha 'ngú, u du mangbo obhulu tia bhú namene obabadha 'ngú. U du okpála napu 'he pí obi o ne bádha bua, u du bedhe ngú naha 'he pí okpála koko. <sup>19</sup> U mene mo-o, u pó bhúla ohe na babadha inde di ngabhue mabhue pí o ngú okpí inde ngago-o. Abhomu-o, u tsia tí da nasia kuku lu mukobho.

<sup>20</sup> Timoté, lila kulu inde li Ebhe aha e pí mu-o ndjindji. Kpe agelø na padhá padhá inde i ti ne nabhuka de-e makpe. Kpe di obhayiki li okpála koko nga'i e ne eu me a ko imbilangu-o makpe.

<sup>21</sup> Okpála koko abhundja me o ne ngua imbilangu ang-o, u atsia ayie li kpadji na nabhuka-o.

A ayo me, bádha bhú 'bu gba Ebhe-e du ne yi bhú dabili bini.

**Gandja na Mbia**  
**Mayogo: Gandja na Mbia (New Testament)**

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

aeebbe5f-2bfd-5f52-83b6-35e9c9ce956b